

COVID 19-AREN KRISIAREN ONDORIOZKO ERAGINA ETA ITXAROPENA GIPUZKOAN

METODOLOGIA

|

1

Fitxa teknikoa

Txosten honetan jasotako datuak ordenagailuz lagundutako telefono bidezko elkarrizketa (CATI) bitartez bildu ziren, elkarrizketok Gipuzkoan bizi ziren 18 urteko edo gehiagoko hainbat pertsonari eginda.

- **Unibertsoa:** Gipuzkoako biztanleria aktiboa
- **Lagina:** 1000 inkesta baliodun
- **Laginketa-errorea:** % 3,1 guztizkorako
- **Kuotak:** sexuaren, adin-taldearen eta eskualdearen arabera. Datuak elkarrizketatuen sexuaren, adinaren eta bizi diren eskualdearen arabera haztatu dira.
- **Landa-lana:** Adimen Investigación / Grupo Ael enpresak egin zuen, 2021eko martxoan.
- **Anonimotasuna eta konfidentzialtasuna:** elkarrizketatuen erantzunak guztiz anonimoak izango direla eta taula estatistikoak egiteko soilik erabiliko direla bermatzen da.
- **Kalitate-kontrola:** ISO 20252 arauari eta CCI/ESOMAR ereduzko kodeari jarraikiz.
- **Tratamendu estatistikoa:** maiztasunen tabulazio sinplea eta gurutzatua.

TITULU NAGUSIAK

| 2

Eragin soziala (1): Ekonomia

1. Krisira egokitzeko, nagusiki lanaldia eta diru-sarrerak murriztu dira. Etxeen % 30 baino gehiagoan gutxienez kide baten diru-sarrerak edo lanaldia murriztu dira. Bestalde, etxeen % 11n kideren batek lana galdu du. Dirudienez, inpaktuak are gehiago zabaldu ditu zenbait arrakala sozioekonomiko, eta eragin handiagoa izan du emakumeetan, 40 urtetik beherakoetan, kontratu finkorik gabeko langileetan edo lanaldi partziala zutenetan, sektore pribatuko langileetan eta egoera ekonomiko zailetan bizi zirenetan.
2. Apirilean, % 65,3k soilik adierazi zuen ez zuela inolako beldurrik. Ekainean, ehuneko hori ia 10 puntu igo zen, eta % 73,6k adierazi zuen ez zuela inolako beldurrik. Pesimismoaren beherakada pixka bat handiagoa da 40 urtetik beherakoetan eta emakumeetan, hots, apirilean pesimistagoak ziren taldeetan.
3. Inkestatuen % 6,35ek laguntzak eskatu dizkio erakunde publikoren bati eta laginaren % 1,6k erakunde ez publikoetara jo behar izan du laguntza eskatzera.
4. Lan egiten duten inkestatuen % 80k baino gehiagok nolabaiteko joan-etorriak egin ditu lanerako, eta % 50ek baino gehiagok aurrez aurreko lana soilik egin du. Oro har, nolabaiteko telelana egin dutenek murrizketa gutxiago izan dituzte diru-sarrerei eta lanaldiari dagokienez.

Eragin soziala (2): Osasuna

1. Inkestatuen % 10 inguruk COVIDa harrapatu zuen apirilerako, eta ehuneko hori ia lau puntu igo zen ekainerako (% 13,5). Era berean, apirila eta ekaina artean % 5,1 arte igo zen hurbileko norbaiten heriotza bizi izan dutenen ehunekoa, baina puntu bat baino gutxiagoko igoera neurritsuagoa izan da.
2. Igoera argia egon da pantailekin lotura duten ohituretan, bereziki apirilera arte; hain zuzen ere, % 40k adierazi duenez, orduan ikus-entzunezko produktu gehiago kontsumitu zuen eta bideokonferentzia gehiago izan zuen. Gainera, apirilean, % 30,5ek pandemiaren aurretik baino kirol gutxiago egin zuen, baina datu hori neurritu egin zen ekaina amaieran.
3. Inkestatuen erdiak baino gehiagok gutxienez segurtasunik eza edo antsietate pixka bat sentitu du. Eta % 25 baino gehiagok dezente edo asko sentitu du. Pixka bat txikiagoa da oso bakarrik edo nahiko bakarrik sentitu diren inkestatuen ehunekoa, % 21,8. Ekaina amaieran antsietaterik edo bakardaderik sentitu ez duten herritarren ehunekoa igo zen arren, pixka bat sentitu zutela onartu dutenen ehunekoa % 40 baino handiagoa zen, oraindik ere.
4. Belaunaldien eta generoen arteko desberdintasunak aurkitu ditugu apirilean, eta ekaina amaieran areagotu dira; izan ere, emakumeek eta gazteek joera txikiagoa izan dute gogo-aldarte hobeagoa agertzeko ekaina amaieran. Dirudienez, neurrien erlaxazioak pixka bat itxi du ekonomikoki zaurgarriak direnen eta ez direnen arteko arraila.

Eragin soziala (3): etorkizuna

1. Lanean aldaketa handiak egongo direla uste dutenen ehunekoa % 30 inguruan mantendu zen, hala apirilean nola ekainean. Pandemian aurrez aurre soilik lan egin dutenek joera handiagoa dute beren lana ez dela batere aldatuko pentsatzeko. Argi eta garbi, telelan hutsa nahiago dutenak gutxiengoa dira. Hala ere, % 30ek baino gehiagok nolabaiteko telelana nahi zuen apirilean, eta ehuneko hori pixka bat jaitsi zen ekaina amaieran, % 28,5era. Gazteen eta hilabete amaierara erraz iristen direnen artean, telelana ehuneko 10 puntu arrakastatsuagoa da.
2. Inkestatuen % 15 baino gutxiagok uste du aldaketa asko edo dezente egongo direla bere etxean, eta ehuneko hori oso gutxi aldatu da ekainetik apirilera.
3. Krisiarekin osasun mentaleko edo ekonomia-arloko arazo asko izan dituztenek joera handiagoa dute aisialdia edo gizarte-harremanak aldatuko direla pentsatzeko.
4. Gehienek uste dute (% 52,9) gizartea krisia baino lehen genuena bezain ona izango dela. Aldaketa aurreikusten dutenen artean, pesimismoa nagusitzen da; % 30ek uste du okerragoa izango dela, eta % 12,7k uste du hobeagoa izango dela. Krisiak gehiago kaltetu dituenek joera handiago dute gizarteak okerrera egingo duela pentsatzeko eta apirila eta ekaina amaiera artean gizarte-aldaketari buruz dituzten pertzepzioak ez hobetzeko.

Eragin politikoa (1): Kudeaketaren balorazioa

1. Lau erakundeen kudeaketari buruzko iritziak gutxienez 0,4 puntu egin du hobera apirila eta ekaina amaiera artean. Udalen eta Eusko Jaurlaritzaren kudeaketak jaso du baloraziorik hoberena bi garaietan.
2. Ekonomikoki zaugarriak direnek baloratu dute hoberen maila instituzional guztien kudeaketa. Aldiz, norbaitek lana galdu duen etxe batean bizi direnek balorazio zertxobait txikiagoak eman dizkiote lau administrazioei. Hala ere, desberdintasunok ia desagertu dira ekaina amaieran.
3. Osasun mentaleko arazo asko izan dituztenek eta inguruan heriotzaren bat izan dutenek pixka bat okerrago baloratu dute krisiaren kudeaketa, erakunde guztien aldetik. Gainera, desberdintasun horiek ez dira desagertu ekainean.
4. Mugitzeko eta elkartzeko mugek nahiko babes orokortua izan zuten. Gainera, babes hori areagotu egin zen ekaina amaieran, neurriak lasaitu zirenean.
5. Neurriak asko betetzen direlako sentipena. Neurriak oso alferrikakotzat jotzen dituztenak dira, halaber, betetze-maila txikiagoa dela hautematen dutenak.
6. Gipuzkoarrek aurrera egiteko premia zutenean, SEPE eta LANBIDE erakundeetara jo dute gehien. Gainera, eraginpeko herritarrek gehien balioesten dituzten erakundeak dira.

Eragin politikoa (2): Etorkizuneko pertzepzioak

1. Kriaren ondoren sistema publikoak indartzearen alde egiten du % 54k, baliabide pribatuetan sostengatzearen alde egiten duen % 2aren aldean.
2. Orokorrean, jendeak uste du politika ez dela batere aldatuko kriaren ondorioz. Gainera, pertzepzio hori ekainaren amaieran areagotu egin da.
3. Inkestatuen % 30 inguruk dio erakunde publikoetan konfiantza txikiagoa duela pandemiaren ondorioz. Egoera pixka bat hobetu da inkestatuen artean ekaina amaieran, apirilean elkarriketatu zirenen aldean.
4. Erakunde zientifikoetan dagoen konfiantza areagotu egin da elkarriketatu gehien artean. Erdiak baino gehiagok konfiantza handiagoa du pandemiaren geroztik, eta % 6k, berriz, txikiagoa.

Krisitik berehala irtetea

1. Txertoen ehunekoa apirilean % 12,5 izatetik ekaina amaieran % 74,3 izatera igaro da. Emakumeek, adinekoek eta arazo ekonomikorik ez dutenek txertatzeko joera handixeagoa izan dute.
2. Biztanleriaren % 80 egon da txertatzeko prest, eta ehuneko hori ez da aldatu apirila eta ekina artean. Dirudienek, bi hilabeteek adinen arteko arraila itxi dute, txertatzeko prest dauden adingabeen ehunekoa ia 20 puntu igo baita; halaber, desberdintasun ekonomikoak ere murriztu dira, zailtasunekin bizi direnen artean ere prestutasuna handitu baita, 5 puntu igo da eta.
3. Gehiengo justua lortu dute txertoa nahitaezkoa bihurtzea nahi dutenek, orokorrean gehienak txertatzearen alde agertu diren arren.
4. Gehiengo zabal bat murrizketak desagertzen badira oporretan joatearen alde agertu da. Asmo hori apirilean baino pixka bat zabalduago agertu da ekainean, eta igoera orokortua izan ez arren, batez ere gazteetan, emakumeetan eta arazo ekonomikorik ez dutenetan izan du eragina.
5. Gehienek uste dute 2022 arte ez garela krisitik irtengo, eta % 48k uste du hurrengo urteko bigarren seihilekora arte ez dela izango. Inkestatuen % 12,2k soilik uste du 2021 amaieran irtengo garela, eta ehuneko hori jaitsi egin da apiriletik ekaina amaierara gainera.

1. EMAITZAK: KRISIAREN ERAGIN SOZIALA:

3

ERAGIN EKONOMIKOA

| 3.1

3.1.1 Diru-sarrerak eta lana galtzea

Krisira egokitzeko, nagusiki lanaldia eta diru-sarrerak murriztu dira, eta elkarrizketatuen % 16 baino gehiago izan dira kaltetuak. Enplegua galdu duen jendearen %a beste bi dinamikek kaltetutakoen azpitik dago, argi eta garbi, baina inkestatuen % 5 inguruk lana galdu du. Diru-sarrerak murriztea ere oso ohikoa izan da, inkestatuen % 16,6ri gertatu zaio. Ez da aldaketa nabarmenik ikusi apirila eta ekaina amaiera artean.



P.8 2020ko martxoan pandemia-egoera deklaratu zutenean, ordaindutako lana zenuen?


P.9 Azken hamabi hilabeteetan, 2020ko martxotik orain arte, zure diru-sarrerak murriztu dira? .

P.10 Enplegu hori galdu duzu pandemiaren ondorioz?

P.11 Zure lanaldia murriztu da edo aldi baterako lan-erregulazioren bat izan duzu garai hauetan?

3.1.1 Diru-sarrerak eta lana galtzea (familia-unitatea)

Dinamika mantentzen da, familia-unitate guztia kontuan hartzen badugu. **Etheen % 30 baino gehiagoan gutxienez kide baten diru-sarrerak edo lanaldia murriztu dira**. Bestalde, **etheen % 11n kideren batek lana galdu du**. Etheen % 4 inguruan, etxe bereko zenbait kidek lana galdu dute.




P.17 Zurekin bizi den norbaitek lana galdu du pandemiaren ondorioz?

P.18 Zurekin bizi den norbaiti lanaldia murriztu diote edo lan-erregulazioren bat izan du garai hauetan?

P.20 Gaur egun, zurekin bizi den norbaiten diru-sarrerak murriztu dira azken hamabi hilabeteetan?

3.1.1 Diru-sarrerak eta lana galtzea

Krisian, emakumeek gehixeago sufritu dute enplegu-galera gizonek baino. Aldiz, lanaldi-murrizketek eragin txikiagoa izan dute haiengan.



P.8 2020ko martxoan pandemia-egoera deklaratu zutenean, ordaindutako lana zenuen?


P.9 Azken hamabi hilabeteetan, 2020ko martxotik orain arte, zure diru-sarrerak murriztu dira? .

P.10 Enplegu hori galdu duzu pandemiaren ondorioz?

P.11 Zure lanaldia murriztu da edo aldi baterako lan-erregulazioren bat izan duzu garai hauetan?

3.1.1 Diru-sarrerak eta lana galtzea

Ohikoagoa izan da 40 urtetik beherakoek lana galtzea eta lanaldia murrizketa jasatea, 40 eta 59 urte artekoek baino. Lana galdu duen gazte bakoitzeko 7 gaztek baino gutxiagok mantendu dute; aldiz, 40 urtetik gorako 14 pertsonak baino gehiagok mantendu dute lana, galdu duen heldu bakoitzeko. Lan egiten zuten 1,7 gaztek mantendu dute lanaldia, lanaldia murriztu dioten gazte bakoitzeko; aldiz, 40 urteko 3 helduri mantendu diote bere horretan.



P.8 2020ko martxoan pandemia-egoera deklaratu zutenean, ordaindutako lana zenuen?


P.9 Azken hamabi hilabeteetan, 2020ko martxotik orain arte, zure diru-sarrerak murriztu dira? .

P.10 Enplegu hori galdu duzu pandemiaren ondorioz?

P.11 Zure lanaldia murriztu da edo aldi baterako lan-erregulazioren bat izan duzu garai hauetan?

3.1.1 Diru-sarrerak eta lana galtzea

Egoerak **eragin handiagoa izan du hilabete amaierara zailtasunez heltzen zirenetan, zailtasunik gabe bizi zirenetan baino**; hala, zeuden desberdintasun ekonomikoak areagotu dira. Pandemiaren eraginaren desberdintasunak lanaldia murrizteko 7,6 puntuko probabilitate handiagoa izatetik, diru-sarrerak galtzeko ehuneko 20 puntuko probabilitate handiagoa izatera doaz.




P.9 Azken hamabi hilabeteetan, 2020ko martxotik orain arte, zure diru-sarrerak murriztu dira? .

P.10 Enplegu hori galdu duzu pandemiaren ondorioz?

P.11 Zure lanaldia murriztu da edo aldi baterako lan-erregulazioren bat izan duzu garai hauetan?

3.1.1 Diru-sarrerak eta lana galtzea

Sektore publikoko langileek izan dute eragin ekonomikorik txikiena. Sektore pribatuan, ekoizpen-sektoreko langileetan eragin txikiagoa izan dute diru-sarreraren (ehuneko 13 puntu) eta enpleguaren galerak (2 puntu), zerbitzu-sektoreko langileetan baino. Aldiz, ez dago desberdintasun handirik bi sektoreetako langileen artean, lanaldi-murrizketari dagokionez.



P.8 2020ko martxoan pandemia-egoera deklaratu zutenean, ordaindutako lana zenuen?


P.9 Azken hamabi hilabeteetan, 2020ko martxotik orain arte, zure diru-sarrerak murriztu dira? .

P.10 Enplegu hori galdu duzu pandemiaren ondorioz?

P.11 Zure lanaldia murriztu da edo aldi baterako lan-erregulazioren bat izan duzu garai hauetan?

3.1.1 Diru-sarrerak eta lana galtzea

Lanaldi osoko kontratu finkoak dituzten langileek izan dituzte lanaldien edo diru-sarreraren murrizketa gutxien, eta, bereziki, haiek galdu dute gutxien lana. Kontratu partzialak zituzten aldi baterako langileek sufritu dituzte gehien krisiaren ondorioak.



P.9 Azken hamabi hilabeteetan, 2020ko martxotik orain arte, zure diru-sarrerak murriztu dira? .

P.10 Enplegu hori galdu duzu pandemiaren ondorioz?

P.11 Zure lanaldia murriztu da edo aldi baterako lan-erregulazioren bat izan duzu garai hauetan?


3.1.1 Diru-sarrerak eta lana galtzea

Apirilean, inkestatu landunen % 10 baino gehiagok krisiaren ondorioz lana galtzeko beldurra zuela adierazi zuen, eta **% 65,3k soilik adierazi zuen ez zuela inolako beldurrik**. **Ekainean**, ehuneko hori ia **10 puntu igo zen**, eta **% 73,6k adierazi zuen ez zuela inolako beldurrik**; halaber, % 6,8ra jaitsi zen lana galtzeko beldur dezente edo asko zutela esan zutenen ehunekoa. **Pesimismoaren beherakada pixka bat handiagoa da 40 urtetik beherakoetan eta emakumeetan, hots, apirilean pesimistagoak ziren taldeetan.**




3.1.1 Diru-sarrerak eta lana galtzea

Hilabete amaierara heltzeko zailtasunak dituztenek joera handiagoa dute krisiaren ondorioz lana galtzeko beldur dezente edo asko izateko. Norbanako horien % 37,7k soilik adierazi zuen ez zuela inolako beldurrik lana galtzeko apirilean, hilabete amaierara erraz heltzen zirenen % 72,9aren aldean. Ekainean arrakala murriztu zen arren, oraindik ere argia zen. Sektorearen arabera, zerbitzu-sektore pribatuko langileak pesimistagoak agertu ziren, bereziki apirilean.



3.1.2 Laguntzetara jotzeko premia


Inkestatuen % 6,35ek laguntzak eskatu dizkio erakunde publikoren bati. Gazteek, emakumeek eta hilabete bukaerara heltzeko zailtasunak izaten dituztenek joera pixka bat handiagoa izan dute horretarako. **Zaurgarrien % 21,1ek COVID 19ak sortutako egoeragatik eskatu du laguntza.** Ez da kasuen igoerarik ikusi apirila eta ekaina artean.



P.30 Eremu pribatuan, zure bizitza pertsonalean, ez negozioen eremuan, eta COVID 19ak sortutako egoeragatik, nolabaiteko laguntzarik eskatu behar izan al diozu erakunde publikoren bati aurrera egiteko?

3.1.2 Laguntzetara jotzeko premia


Ehunekoa txikiagoa den arren, **laginaren %1,6k publikoa ez den erakunderen batera jo behar izan du laguntza eskatzera. Dirudienez, hilabete amaierara zailtasunez heltzen direnek beste edozein taldek baino gehiagok baliatu behar izan dute aukera horretaz.**



P.33 Azken urte honetan, aurrera egin ahal izateko, erakunderen bati, GKE bati edo elizari laguntza eskatu behar izan diozu?


3.1.3 Telelana

Lan egiten duten inkestatuen % 80k baino gehiagok nolabaiteko joan-etorriak egin ditu lanerako, eta % 50ek baino gehiagok aurrez aurreko lana soilik egin du. Dinamika hori pixka bat argiagoa da zerbitzu-sektore pribatuan, % 62,3k modalitate horretan soilik egin baitu lan. Hain zuzen, % 4k baino gutxiagok egin du telelana soilik. Industrian eta sektore publikoan, telelanak presentzia pixka bat handiagoa izan du, eta % 50 inguruk egin du aurrez aurreko lana soilik.




3.1.3 Telelana

Gizonek, 40 eta 59 urte artekoek, gehixeago egin dute lan aurrez aurre. Baina desberdintasunak txikiak dira. Alabaina, desberdintasun handiak aurkitu ditugu zaugarritasun ekonomikoaren arabera; hala, hilabete amaierara heltzeko zailtasun ekonomikoak dituztenek, oro har, aurrez aurre soilik egin dute lan.



3.1.3 Telelana

Oro har, nolabaiteko telelana egin dutenek murrizketa gutxiago izan dituzte diru-sarrerei eta lanaldiari dagokienez, lana ere gutxiago galdu dute, aurrez aurreko lana soilik egin dutenekin alderatuta. **Zaila da jakitea egiten zuten lan motagatik izan den edo telelanak salbatu dituen haien lanpostuak.**



P.9 Azken hamabi hilabeteetan, 2020ko martxotik orain arte, zure diru-sarrerak murriztu dira? .

P.10 Enplegu hori galdu duzu pandemiaren ondorioz?

P.11 Zure lanaldia murriztu da edo aldi baterako lan-erregulazioren bat izan duzu garai hauetan?


P.12 Hurrengo hilabeteetan COVID 19aren krisiaren eraginez zure lana galtzeko beldur zara?

OSASUNAREN GAINEN ERAGINA

| 3.2

3.2.1 COVIDaren eragina

Inkestatuen % 10 inguruk COVIDa harrapatu zuen apirilerako, eta ehuneko hori ia lau puntu igo zen ekainerako (% 13,5). Gaixotasuna harrapatu duen norbaitekin bizi direnen ehunekoa ere areagotu da, % 15,2tik % 17,5era. **Era berean, apirila eta ekaina artean % 5,1 arte igo zen hurbileko norbaiten heriotza bizi izan dutenen ehunekoa, baina puntu bat baino gutxiagoko igoera neurritsuagoa izan da.**




P.5 COVID 19a harrapatu duzu?

P.6 Zure etxeko norbaitek harrapatu du COVID 19a?

P.7 Zure zuzeneko familiako norbait hil da COVID 19aren ondorioz? .

3.2.1 COVIDaren eragina

Gazteek COVID 19 harrapatzeko joera pixka bat handiagoa izan dute. Aldiz, generoaren edo pandemian egindako lanaren araberrako desberdintasunak oso txikiak dira.




P.5 COVID 19a harrapatu duzu?

3.2.2 Ohitura osasungarriak

Erantzunen arabera, **igoera argia egon da pantailekin lotura duten ohituretan, bereziki apirilera arte; hain zuzen ere, % 40k adierazi duenez, orduan ikus-entzunezko produktu gehiago kontsumitu zuen eta bideokonferentzia gehiago izan zuen.**

Gipuzkoarren % 20 inguruk liburu gehiago irakurri ditu eta % 13,1 inguruk janari osasungarriagoa jan du; hala ere, kasu horietan, ohiturak aldatu dituztela esan duten inkestatuen ehunekoa oso txikia da eta ohikoena egonkortasuna da. Gainera, apirilean, **% 30,5ek pandemiaren aurretik baino kirol gutxiago egin zuen, baina datu hori neurritu egin zen ekaina amaieran.**



P.21 Pandemiaren urte honetan pandemia aurretik baino kirol gehiago, gutxiago edo berdina egin duzu?

P.22 Eta zure elikadura pandemiaren aurretik baino osasungarriagoa, ez hain osasungarria edo lehen bezain osasungarria da?


P.23 Liburuak irakurtzeari dagokionez: orain pandemiaren aurretik baino gehiago, gutxiago edo berdin irakurtzen duzu?

P.24 Ikus-entzunezko produktuei dagokienez: orain pandemia aurretik baino ikus-entzunezko produktu gehiago kontsumitzen dituzu etxean (filmak, serieak, podcastak, etab.)?

P.25 Beste pertsonetik harremanei dagokienez (bilerak, elkarrizketak, etab.), bilera telematikoen kopurua areagotu da?

3.2.2 Ohitura osasungarriak

Emakumeek gizonak baino joera pixka bat handiagoa izan dute ohiturak aldatzeko, hala hobera nola okerrera. Baina desberdintasunak beti txikiak dira.



P.21 Pandemiaren urte honetan pandemia aurretik baino kirol gehiago, gutxiago edo berdina egin duzu?

P.22 Eta zure elikadura pandemiaren aurretik baino osasungarriagoa, ez hain osasungarria edo lehen bezain osasungarria da?


P.23 Liburuak irakurtzeari dagokionez: orain pandemiaren aurretik baino gehiago, gutxiago edo berdin irakurtzen duzu?

P.24 Ikus-entzunezko produktuei dagokienez: orain pandemia aurretik baino ikus-entzunezko produktu gehiago kontsumitzen dituzu etxean (filmak, serieak, podcastak, etab.)?

P.25 Beste pertsonetik harremanei dagokienez (bilerak, elkarrizketak, etab.), bilera telematikoen kopurua areagotu da?

3.2.2 Ohitura osasungarriak

Inkestatuen artean, 40 urtetik beherakoek joera pixka bat handiagoa izan dute ohituraz aldatzeko eta jardura guztiak gehiago egiteko. Eta 40 eta 59 urte artekoek joera gutxien izan dute pandemian gehiago irakurtzeko.



P.21 Pandemiaren urte honetan pandemia aurretik baino kirol gehiago, gutxiago edo berdina egin duzu?

P.22 Eta zure elikadura pandemiaren aurretik baino osasungarriagoa, ez hain osasungarria edo lehen bezain osasungarria da?


P.23 Liburuak irakurtzeari dagokionez: orain pandemiaren aurretik baino gehiago, gutxiago edo berdin irakurtzen duzu?

P.24 Ikus-entzunezko produktuei dagokienez: orain pandemia aurretik baino ikus-entzunezko produktu gehiago kontsumitzen dituzu etxean (filmak, serieak, podcastak, etab.)?

P.25 Beste pertsonetik harremanei dagokienez (bilerak, elkarrizketak, etab.), bilera telematikoen kopurua areagotu da?

3.2.2 Ohitura osasungarriak

Ekonomikoki zaurgarrienek joera pixka bat handiagoa izan dute beren elikadura- eta kirol-ohiturak aldatzeko, hala hobera nola okerrera. Krisiaren aurretik baino ikus-entzunezko produktu gehiago kontsumitzeko joera ere bai. Aldiz, herritarrok ere harreman telematikoko gutxiago izateko joera handiagoa izaten dute.



P.21 Pandemiaren urte honetan pandemia aurretik baino kirol gehiago, gutxiago edo berdina egin duzu?

P.22 Eta zure elikadura pandemiaren aurretik baino osasungarriagoa, ez hain osasungarria edo lehen bezain osasungarria da?


P.23 Liburuak irakurtzeari dagokionez: orain pandemiaren aurretik baino gehiago, gutxiago edo berdin irakurtzen duzu?

P.24 Ikus-entzunezko produktuei dagokienez: orain pandemia aurretik baino ikus-entzunezko produktu gehiago kontsumitzen dituzu etxean (filmak, serieak, podcastak, etab.)?

P.25 Beste pertsonetako harremanei dagokienez (bilerak, elkarrizketak, etab.), bilera telematikoen kopurua areagotu da?

3.2.2 Ohitura osasungarriak

Bakarrik bizi direnek krisiaren aurretik baino gehiago irakurtzeko eta janari osasungarriagoa jateko joera dute. Baina baita gutxienez beste pertsona batekin bizi direnek baino kirol gutxiago egiteko eta harreman telematiko gutxiago izateko ere. Bi pertsona baino gehiagoko etxeetan bizi direnek joera pixka bat handiagoa dute harreman telematiko gehiago izateko, ikus-entzunezko produktuak kontsumitzeko eta kirola egiteko.



P.21 Pandemiaren urte honetan pandemia aurretik baino kirol gehiago, gutxiago edo berdina egin duzu?

P.22 Eta zure elikadura pandemiaren aurretik baino osasungarriagoa, ez hain osasungarria edo lehen bezain osasungarria da?


P.23 Liburuak irakurtzeari dagokionez: orain pandemiaren aurretik baino gehiago, gutxiago edo berdin irakurtzen duzu?

P.24 Ikus-entzunezko produktuei dagokienez: orain pandemia aurretik baino ikus-entzunezko produktu gehiago kontsumitzen dituzu etxean (filmak, serieak, podcastak, etab.)?

P.25 Beste pertsonetik harremanei dagokienez (bilerak, elkarrizketak, etab.), bilera telematikoaren kopurua areagotu da?

3.2.3 Osasun mentala

Antsietatea eta segurtasunik eza dira osasun mentalarekin lotuta inkestatuek gehien sentitu dituzten emozioak, COVID 19aren krisiaren ondorioz. **Inkestatuen erdiak baino gehiagok gutxienez segurtasunik eza edo antsietate pixka bat sentitu du. Eta % 25 baino gehiagok dezente edo asko sentitu du.** Pixka bat txikiagoa da oso bakarrik edo nahiko bakarrik sentitu diren inkestatuen ehunekoa, % 21,8. **Ekaina amaieran antsietaterik edo bakardaderik sentitu ez duten herritarren ehunekoa igo zen arren, pixka bat sentitu zutela onartu dutenen ehunekoa % 40 baino handiagoa zen, oraindik ere.**




P.26 COVID 19ak sortutako egoeraren ondorioz, bakarrik sentitu zara?

P.27 Segurtasun falta sentitu duzu?

P.28 Antsietaterik sentitu duzu uneren batean?

3.2.3 Osasun mentala

Emakumeek osasun mentaleko arazo gehiago izan dituzte gizonek baino. Dinamika bereziki argia da segurtasunik ezarekin eta antsietatearekin lotutako sentimenduei dagokienez, ehuneko 15 puntuko aldeak baitaude. **Dirudienez, ekaina amaierako egoera erlaxatzeak eragin positiboa izan du, eta agerikoagoa izan da gizonetan emakumeetan baino.**




P.26 COVID 19ak sortutako egoeraren ondorioz, bakarrik sentitu zara?

P.27 Segurtasun falta sentitu duzu?

P.28 Antsietaterik sentitu duzu uneren batean?

3.2.3 Osasun mentala

Adin txikiagoko taldeek joera handiagoa dute pandemian osasun mentaleko arazoak izan dituztela adierazteko. Bereziki bakardadeagatik eta antsietateagatik. Desberdintasunok are agerikoagoak dira ekaina amaierako datuetan.




P.26 COVID 19ak sortutako egoeraren ondorioz, bakarrik sentitu zara?

P.27 Seguritasun falta sentitu duzu?

P.28 Antsietaterik sentitu duzu uneren batean?

3.2.3 Osasun mentala

Ekonomikoki zaugarriak direnek osasun mentalarekin lotutako mota guztietako askoz ere arazo gehiago izan dituzte, hilabete bukaerara arazorik gabe iristen direnak baino. Aldea ehuneko 20 puntukoa baino handiagoa da, kasu guztietan. **Aldiz, ekaina amaierako datuek agerian jartzen dute pandemiaren egoera hobetzea talde horrentzat izan dela onuragarrien.**




P.26 COVID 19ak sortutako egoeraren ondorioz, bakarrik sentitu zara?

P.27 Seguritasun falta sentitu duzu?

P.28 Antsietaterik sentitu duzu unerren batean?

3.2.3 Osasun mentala

Bakarrik bizi direnek gainerako inkestatuek baino gehiago sentitu dute bakardadea, baina talde horretan ere, gehienak ez dira bakarrik sentitu edo ez dira oso bakarrik sentitu. Bi pertsona baino gehiagorekin bizi zirenek joera pixka bat handiagoa izan dute segurtasun-gabezia handia sentitzeko, eta bi pertsona baino gehiagoko etxeetan bizi direnek antsietatea izateko joera handiagoa dute. Halaber, etxean beste bi pertsona baino gehiagorekin bizi direnek joera txikiagoa izan dute apirila eta ekaina amaiera artean hobera egiteko.




P.26 COVID 19ak sortutako egoeraren ondorioz, bakarrik sentitu zara?

P.27 Segurtasun falta sentitu duzu?

P.28 Antsietaterik sentitu duzu unerren batean?

3.2.3 Osasun mentala

Norbaitek lana galdu duen etxeetan bizi direnek joera handiagoa dute antsietatea izateko edo segurtasunik eza edo bakardadea sentitzeko (% 15-20 gehiago). Diru-sarrerak edo lanorduek galdu dituen norbaitekin bizi direnek inpaktu askoz ere txikiagoa izaten dute. Pandemiaren egoerak ekainaren amaieran izandako hobekuntzak eragin positiboa izan du, batez ere talde zigortuenetan.




P.26 COVID 19ak sortutako egoeraren ondorioz, bakarrik sentitu zara?

P.27 Segurtasun falta sentitu duzu?

P.28 Antsietaterik sentitu duzu unerik batean?

3.2.3 Osasun mentala

Desberdintasun gutxi daude osasun mentaleko arazoak izateko probabilitateari dagokionez, COVIDaren ondorioak sufritu dituztenen eta inguruan kasurik izan ez dituztenen artean; hala ere, inguruan gaixoak izan dituztenek joera pixka bat handiagoa izan dute antsietate asko edo dezente izan dutela adierazteko. Hil den norbaitekin bizi izan direnen osasun mentala ez da hobetu apiriletik ekainera, beste herritarren aldean.



P.26 COVID 19ak sortutako egoeraren ondorioz, bakarrik sentitu zara?

P.27 Segurtasun falta sentitu duzu?


P.28 Antsietaterik sentitu duzu uneraren batean?

ETORKIZUNEKO ITXAROPENA

| 3.3

3.3.1. Krisiaren ondorengo gizarte-aldaketak

Inkestatuen % 15 baino gutxiagok uste du aldaketa asko edo dezente egongo direla bere etxean, eta ehuneko hori oso gutxi aldatu da ekainetik apirilera. Era berean, ez da aldatu lanean aldaketa handiak egongo direla uste dutenen ehunekoa, baina horien portzentajea % 30era heldu da ia. Aldiz, gizarte-harremanetan eta aisialdian aldaketak egongo direlako pertzepzioa aldatu da apiriletik ekaina amaierara. Asko edo dezente aldatuko dela uste duten herritarren ehunekoa % 37,1etik % 26ra jaitsi da gizarte-harremanen kasuan, eta % 30,9tik % 24,7ra aisialdiari dagokionez.



P.43 COVID 19aren krisiaren ondorioz, zenbateraino uste duzu aldatuko dela ZURE ETXEA?


P.43 COVID 19aren krisiaren ondorioz, zenbateraino uste duzu aldatuko dela ZURE LANA (pertsona landunak)?

P.43 COVID 19aren krisiaren ondorioz, zenbateraino uste duzu aldatuko dela ZURE AISIALDIA?

P.43 COVID 19aren krisiaren ondorioz, zenbateraino uste duzu aldatuko direla ZURE HARREMAN PERTSONALAK?


3.3.2. Laneko aldaketak

Berrogei urtetik beherakoetan eta zailtasun ekonomikoak dituztenetan soilik aurkitu dugu bere lana dezente edo asko aldatuko dela uste duen % 30etik gorako ehuneko bat. Hala ere, ekainean desberdintasunok arindu egin dira, taldeotan lana asko edo dezente aldatuko dela uste duten herritarren ehunekoa erori delako.




3.3.2. Laneko aldaketak

Norbaitek lana galdu duen etxeetan bizi direnek eta osasun mentaleko arazo gehiago dituztenek joera handiagoa dute lanean aldaketa asko edo dezente egongo direla pentsatzeko; hala, % 40 baino gehiago dira, arazo ekonomikorik edo osasun mentaleko arazorik izan ez dutenen % 21etik urrun. **Pandemian aurrez aurre soilik lan egin dutenek joera handiagoa dute beren lana ez dela batere aldatuko pentsatzeko.**




3.3.2 Laneko aldaketak

Argi eta garbi, telelan hutsa nahiago dutenak gutxiengoa dira, % 2k baino gutxiagok nahiago du aukera hori, eta % 10ek baino gutxiagok nahi du lan telematiko gehiago egin aurrez aurrekoa baino. **Hala ere, % 30ek baino gehiagok nolabaiteko telelana nahi zuen apirilean, eta ehuneko hori pixka bat jaitsi zen ekaina amaieran, % 28,5era.** Zenbait desberdintasun txiki daude sektore pribatuaren eta publikoaren eta hirugarren eta lehenengo/bigarren sektoreen artean; hain zuzen ere, lehenengoak aurrez aurre soilik lan egitearen aldekoagoak dira.




3.3.2 Laneko aldaketak

Telelana egiten aritu direnek eta pandemia aurretik egiten zutenek askoz ere gogokoago dute telelana. Baina zaila da jakitea desberdintasuna egiten duten lan motetatik edo egiten izan duten esperientziatik den.




3.3.2 Laneko aldaketak

Gazteen eta hilabete amaierara erraz iristen direnen artean telelana ehuneko 10 puntu arrakastatsuagoa da 40 urte dituztenen edo hilabete amaierara zailtasun ekonomikoekin heltzen direnen artean baino.




3.3.3 Aldaketak etxean

60 urte baino gehiago dituztenen eta zailtasun ekonomikorik ez dutenen artean bereziki zabaldua dago etxean ezer aldatuko ez delako ustea. 40 urtetik beherakoen % 15 inguruk eta zailtasun ekonomikoak dituztenek uste dute beren etxea asko edo dezente aldatuko dela. Ehuneko hori ekainaren amaieran pixka bat aldatu da.




3.3.3 Aldaketak etxean

Aurreko galderarekin bat etorritik, inkestak % 13,9k etxez aldatzea pentsatu du. Berezi gazteek (% 28) eta ekonomikoki zaurgarrienek (% 21,7) planteatu dute aldaketa hori.




3.3.4 Aldaketak aisian

COVIDaren ondorioz aisialdia asko edo dezente aldatuko dela pixka bat handiagoa da 40 urtetik beherakoetan, emakumeetan eta zailtasun ekonomikoak dituztenetan. Baina % 50ekoa da 40 urtetik beherakoetan.



3.3.4 Aldaketak aisian

Osasun mentaleko arazo asko izan dituztenen erdiak baino gehiagok uste du aisialdia asko edo dezente aldatuko dela; aldiz, osasun mentaleko arazorik izan ez dutenen % 30 baino gutxiagok hautematen du hori. Norbaitek lana galdu duen etxeetan bizi direnek ere aisialdia asko aldatuko dela pentsatzeko joera handixeagoa dute. Aldiz, desberdintasun gutxi daude krisiak ekonomikoki ukitu ez dituen etxeetan bizi direnen eta diru-sarrerak galdu dituen norbaitekin bizi direnaren artean.




3.3.5 Aldaketak harreman pertsonaletan

Gazteek, emakumeek eta zailtasun ekonomikoak dituztenek ere pixka bat joera handiagoa dute pandemiaren ondorioz beren harreman pertsonalak asko edo dezente aldatuko direla pentsatzeko. Hala ere, ezein taldetan ez dago harreman pertsonalak asko edo dezente aldatuko direla pentsatzen duen gehiengorik.




3.3.5 Aldaketak harreman pertsonaletan

Berriz ere, ikusi dugunez, osasun mentaleko arazo asko izan dituztenen erdiak baino gehiagok uste du harreman pertsonalak asko edo dezente aldatuko direla; aldiz, osasun mentaleko arazorik izan ez dutenen % 20,2k soilik hautematen du hori. Norbaitek lana galdu duen etxeetan bizi direnek ere harreman pertsonalak asko aldatuko direla pentsatzeko joera handixeagoa dute.




3.3.6 Gizartea krisiaren ondoren

Krisiaren ondorioz gizartean aldaketak egongo diren galdetzean apirilean zegoen banaketa, pixka bat ebatzi zen ekainean, **aldaketa gutxi egongo zirela esaten zutenen alde**. Ekaina amaieran, ia sei puntu igo zen gizartea ez dela ezer aldatuko uste dutenen ehunekoa; hala, inkestatuen % 60,4k uste zuen ez dela ezer aldatuko edo gutxi aldatuko dela, apirileko % 53,8aren aldean. Zailtasun ekonomikoak dituztenek joera pixka bat handiagoa dute gizartea asko edo dezente aldatuko dela pentsatzeko. Aldiz, 60 urtetik gorakoek ezer ez dela aldatuko pentsatzeko joera handiagoa dute.




3.3.6 Gizartea krisiaren ondoren

Osasun mentaleko arazo asko izan dituztenek eta norbaitek lana galdu duen etxe batean bizi direnek joera pixka bat handiagoa dute krisiaren ondorioz gizartea asko edo dezente aldatuko dela pentsatzeko. Talde horietako norbanakoen % 50ek baino gehiagok asko edo dezente aldatuko garela uste du. Halaber, talde horietan nabarmendu da gehien apirila eta ekaina arteko joera-aldaketa.




3.3.6 Gizartea krisiaren ondoren

Gehienek uste dute (% 52,9) gizartea krisia baino lehen genuena bezain ona izango dela. Aldaketa aurreikusten dutenen artean, pesimismoa nagusitzen da; % 30ek uste du okerragoa izango dela, eta % 12,7k uste du hobeagoa izango dela. Hilabete amaierara iristen direnek eta euskara ezagutzen ez dutenek joera handiagoa dute gizartea okerragoa izango dela pentsatzeko. Dirudienez, ekaina amaierarako pertzepzioen hobekuntza arina bat dator gizarteak okerrera egingo duela pentsatzen duten herritarren ehunekoen beherakadarekin.



3.3.6 Gizartea krisiaren ondoren

Norbaitek lana galdu duen etxe batean bizi direnek edo osasun mentaleko arazo asko izan dituztenek joera handiagoa dute gizartea okerrera aldatuko dela pentsatzeko. Hala ere, lehenengoek joera pixka bat handiagoa dute hobera aldatuko dela pentsatzeko. Desberdintasun gutxi daude COVIDaren inpaktuagatik, inguruan. Ekaina amaieran, norbaitek lana galdu duen edo norbait hil den etxeetan bizi zirenek joera handiagoa zuten gizartea okerrera aldatuko zela pentsatzeko, apirilean baino. Gauza bera gertatzen zen osasun mentaleko arazo asko izan zituztenekin.



2. EMAITZAK: KRISIAREN ERAGIN POLITIKOA



4

KUDEAKETAREN BALORAZIOA

| 4.1

4.1.1 Erakundeen krisi-kudeaketaren balorazioa


Lau erakundeen kudeaketari buruzko iritziak gutxienez 0,4 puntu egin du hobera apirila eta ekaina amaiera artean. Udalen eta Eusko Jaurlaritzaren kudeaketak jaso du baloraziorik hoberena bi garaietan. Foru Aldundiak ere 5etik gorako batez besteko nota jaso du, baina kasu honetan herritar askok ez dute erantzun. Bestalde, Espainiako Gobernuak jaso du batez besteko notarik txarrena; batez ere, 3tik beherako nota gehien jaso dituelako.



P.29 Zero baloraziorik txarrena eta hamar hoberena izanik, zer nota emango zenieke erakunde hauei, pandemia kudeatzeko izan duten moduari dagokionez?

4.1.1 Erakundeen krisi-kudeaketaren balorazioa


Emakumeek hobeto baloratzen dute hurbileko erakundeen kudeaketa. Aldiz, desberdintasunak aurkitu ditugu Espainiako Gobernuaren balorazioen kasuan. Ekainaren amaieran, kudeaketaren balorazioan hobekuntza ikusi zen bi generoetan.



P.29 Zero baloraziorik txarrena eta hamar hoberena izanik, zer nota emango zenieke erakunde hauei, pandemia kudeatzeko izan duten moduari dagokionez?

4.1.1 Erakundeen krisi-kudeaketaren balorazioa


40 eta 59 urte artekoek eman dituzte baloraziorik okerrenak, lau erakundeen kudeaketari dagokionez. Aldiz, 60 urtetik gorakoek eman dituzte baloraziorik hoberenak. Adin-arrakalarik handiena udalen eta Eusko Jaurlaritzaren balorazioetan daude, eta desberdintasunik txikienak Espainiako Gobernuari buruzko pertzepzioetan.



P.29 Zero baloraziorik txarrena eta hamar hoberena izanik, zer nota emango zenieke erakunde hauei, pandemia kudeatzeko izan duten moduari dagokionez?

4.1.1 Erakundeen krisi-kudeaketaren balorazioa


Ekonomikoki zaugarriak direnek baloratu dute hoberen maila instituzional guztien kudeaketa apirilean, bereziki, urrutikoenak. Hala ere, desberdintasunok ia desagertu dira ekaina amaieran.



P.29 Zero baloraziorik txarrena eta hamar hoberena izanik, zer nota emango zenieke erakunde hauei, pandemia kudeatzeko izan duten moduari dagokionez?

4.1.1 Erakundeen krisi-kudeaketaren balorazioa


Desberdintasun gutxi daude euskararen ezagutza mailaren arabera apirileko balorazioetan, baina ekainean nolabaiteko tarteak zabaldu dira euskara ezagutzen ez dutenetan, balorazio hobeak eman baitzizkieten erakunde gehienei.



P.29 Zero baloraziorik txarrena eta hamar hoberena izanik, zer nota emango zenieke erakunde hauei, pandemia kudeatzeko izan duten moduari dagokionez?



4.1.1 Erakundeen krisi-kudeaketaren balorazioa

Lana galdu dutenek edo norbaitek lana galdu duen etxe batean bizi direnek lau administrazioei balorazio pixka bat txikiagoak eman zizkieten apirilean, baina desberdintasunok desagertu egin ziren ekaina amaieran.



4.1.1 Erakundeen krisi-kudeaketaren balorazioa


Osasun mentaleko arazo asko izan dituztenek eta inguruan heriotzaren bat izan dutenek pixka bat okerrago baloratu dute krisiaren kudeaketa, erakunde guztien aldetik. Gainera, desberdintasun horiek ez dira desagertu ekainean.



P.29 Zero baloraziorik txarrena eta hamar hoberena izanik, zer nota emango zenieke erakunde hauei, pandemia kudeatzeko izan duten moduari dagokionez?


4.1.2 Hartutako neurrien balorazioa

Mugitzeko eta elkartzeko mugek nahiko babes orokortua izan zuten. Gainera, babes hori areagotu egin zen ekaina amaieran, neurriak lasaitu zirenean. Erdiak baino gehiagok oso beharrezkotzat jotzen ditu, eta bi herenek baino gehiagok asko edo dezente. Adin gehiagokoek eta hilabete amaierara zailtasunik gabe heltzen direnek pixka bat gehiago babesten dute.



4.1.2 Hartutako neurrien balorazioa


Hurbileko norbaiten heriotza bizi izan dutenek askoz ere joera handiagoa dute murrizketak oso beharrezkoak zirela pentsatzeko (gainerakoak baino ehuneko 10 puntu gehiago). Era berean, lan egin dutenek eta osasun mentaleko arazoak izan dituztenek joera handiagoa dute murrizketak oso beharrezkoak zirela pentsatzeko. Aldiz, diru-sarrerak eta lanorduak galdu dituztenek joera pixka bat txikiagoa dute beharrezkoak zirela pentsatzeko.



P.34 Alarma-egoeraren ondorioz, besteak beste mugikortasuna eta bilerak mugatzen dituzten neurriak hartu dira. Zure ustez, neurriok:


4.1.2 Hartutako neurrien balorazioa

Neurriak asko betetzen direlako sentipena. Inkestatuen % 70ek baino gehiagok uste du asko bete direla eta % 5ek baino gutxiagok uste du oso gutxi bete direla edo ez direla bete. Konfiantza bereziki altua da emakumeetan, 40 eta 54 urte artean dituztenetan, zailtasun ekonomikorik ez dutenetan eta euskara hobeto ezagutzen dutenetan. Desberdintasun txikiak daude apirila eta ekaina artean.



4.1.2 Hartutako neurrien balorazioa

Neurriak oso alferrikakotzat jotzen dituztenak dira, halaber, betetze-maila txikiagoa dela hautematen dutenak. Neurriak oso edo nahiko beharrezkotzat jotzen dituztenen artean, ia inork ez du hauteman ez direla bete edo ia ez direla bete; aldiz, beharrezkoak ez direla uste dutenen % 15ek uste du oso gutxi bete direla edo ez direla bete. Ehuneko hori ekainaren amaieran areagotu egin da.




P.34 Alarma-egoeraren ondorioz, besteak beste mugikortasuna eta bilerak mugatzen dituzten neurriak hartu dira. Zure ustez, neurriok:

P.35 Zu ados egon ala ez, zer neurritan esango zenuke bete dituzula ezarritako murrizketak?

4.1.3 Laguntza publikoak

Gipuzkoarrek aurrera egiteko premia zutenean, SEPE eta LANBIDE erakundeetara jo dute gehien. Gainera, eraginpeko herritarrek gehien balioesten dituzten erakundeak dira. Erakundeek laguntzen beharrari emandako erantzunak izandako balorazioak hobera egin zuen ekainean.



Nota media 0-10		
	abril	junio
Gobierno Español	4.8	5.4
Gobierno Vasco	5.4	5.9
Diputación Foral de Gipuzkoa	5.3	5.7
Ayuntamiento de su municipio	5.5	5.9

P.30 Eremu pribatuan, zure bizitza pertsonalean, ez negozioen eremuan, eta COVID 19ak sortutako egoeratik, nolabaiteko laguntzarik eskatu behar izan al diozu erakunde publikoren bati aurrera egiteko?

P.31 Zein erakunderi? Hainbat erantzun


P.32 Zero baloraziorik txarrena eta hamar hoberena izanik, nola baloratuko zenuke erakunde horren erantzuna?

KRISIAREN ONDORENGO ZALETASUN POLITIKOAK

4.2


4.2.1 Krisiaren ondorengo eredu gustukoena

Krisiaren ondoren sistema publikoak indartzearen alde egiten du % 54k, baliabide pribatuetan sostengatzearen alde egiten duen % 2aren aldean. Sistema publikoa indartzea bereziki babesten dute hilabete amaierara zailtasunik gabe heltzen direnek eta euskar-maila handia dutenek. Gainera, emakumeek eredu publikoa indartzeko joera handixeagoa dute, eta gazteak dira bi ereduak bateratzeko tarteko kategorian jarrera gutxien hartzen dutenak.




4.2.1 Krisiaren ondorengo eredu gustukoenak

Krisiak desberdin kaltetutako norbanakoen artean, desberdintasun txikiak daude krisia kudeatzeko eredu gustukoenari dagokionez. Hala ere, krisiak kaltetu ez dituen etxeetan bizi direnak proportzio handixeago batean egon daitezke sistema publikoak indartzearen alde.




4.2.2 Erakundeenganako konfiantza krisiaren ondoren

Orokorrean, jendeak uste du politika ez dela batere aldatuko krisiaren ondorioz. Gainera, pertzepzio hori ekainaren amaieran areagotu egin da. Pertzepzio hori bereziki bizia da 40 eta 59 urte artean dituztenetan, gizonetan eta hilabete amaierara arazo ekonomikorik gabe heltzen direnetan.




4.2.2 Erakundeenganako konfiantza krisiaren ondoren

Krisiak ekonomikoki kaltetu dituztenentzat, politika dezente edo asko aldatuko delako pertzepzioa krisiak kaltetu ez dituztenentzat baino pixka bat handiagoa da. Mentalki sufritu dutenentzat ere politika aldatuko delako pertzepzioa pixka bat igo da.




4.2.2 Erakundeenganako konfiantza krisiaren ondoren

Horrek erakundeenganako konfiantza galtzea dakar. **Inkestatuen % 30 inguruk dio erakunde publikoetan konfiantza txikiagoa duela pandemiaren ondorioz.** Ehuneko hori pixka bat handiagoa da hilabete amaierara zailtasunekin heltzen direnen eta gazteen artean. Hala ere, talde horietan, konfiantza gehiago duten norbanakoen ehunekoa handixeagoa da. **Egoera pixka bat hobetu da inkestatuen artean ekaina amaieran, apirilean elkarriketatu zirenen aldean.**




4.2.2 Erakundeenganako konfiantza krisiaren ondoren

Norbaitek lana galdu duen etxeetan bizi direnen artean, dirudienez, erakunde publikoenganako konfiantza handiagoa duten norbanakoen ehunekoa handiagoa da, baita osasun mentaleko arazo asko izan dituztenen artean ere. Alabaina, azken talde horrek konfiantza galdu duela esateko joera handiagoa ere badu.




4.2.3 Erakunde zientifikoenganako konfiantza krisiaren ondoren

Erakunde zientifikoetan dagoen konfiantza areagotu egin da elkarrizketatu gehienen artean. Erdiak baino gehiagok konfiantza handiagoa du pandemiaz geroztik, eta % 6k, berriz, txikiagoa. Igoera bereziki argia da 40 urtetik gorakoetan, emakumeetan eta arazo ekonomikorik gabe bizi direnetan.



4.2.3 Erakunde zientifikoenganako konfiantza krisiaren ondoren

Erakunde zientifikoenganako konfiantzaren igoera krisiak inkestatuan izan duen inpaktuarekiko nahiko zeharkakoa da. Dirudienez, ez eragin ekonomikoak, ez eta osasun-arloko eraginak ere, ez dute aurreikusten erakunde zientifikoenganako konfiantzaren aldaketa.




3. EMAITZAK: KRISITIK BEREHALA IRTETEA

5


5.1 Txertaketa

Txertoen ehunekoa apirilean % 12,5 izatetik ekaina amaieran % 74,3 izatera igaro da. Emakumeek, adinekoek eta arazo ekonomikorik ez dutenek txertatzeko joera handixeagoa izan dute.




5.1 Txertaketa

Biztanleriaren % 80 egon da txertatzeko prest, eta ehuneko hori ez da aldatu apirila eta ekina artean. Ehuneko hori pixka bat jaitsi da emakumeetan ekainetik apirilera; hala, genero-arrakala bat zabaldu da. **Aldiz, dirudienez, bi hilabeteek adinen arteko arraila itxi dute, txertatzeko prest dauden adingabeen ehunekoa ia 20 puntu igo baita; halaber, desberdintasun ekonomikoak ere murriztu dira, zailtasunekin bizi direnen artean ere prestutasuna handitu baita, 5 puntu igo da eta.** COVIDak inguruan izan duen eragina ez da bereziki garrantzitsua txertoa hartzeko prestutasunari dagokionez.




5.1 Txertaketa

Gehiengo justua lortu dute txertoa nahitaezkoa bihurtzea nahi dutenek, orokorrean gehienak txertatzearen alde agertu diren **arren**. Iritzi hori are argiagoa da (ehuneko 9 puntu inguru gehiago) 60 urtetik gorakoen artean. Nahitaezko izatea jende gehixeagok babestu zuen ekainean.




5.2 Udarako aukerak

Gehiengo zabal bat murrizketak desagertzen badira oporretan joatearen alde agertu da. Horretarako gogo bereziki bizia dute gazteek, arazo ekonomikorik gabeko pertsonak eta gizonak. **Eta asmo hori apirilean baino pixka bat zabaldiago agertu da ekainean, eta igoera orokortua izan ez arren, batez ere gazteetan, emakumeetan eta arazo ekonomikorik ez dutenetan izan du eragina.**



5.3 Normaltasuna berreskuratzea

Gehienek uste dute 2022 arte ez garela krisitik irtengo, eta % 48k uste du hurrengo urteko bigarren seihilekora arte ez dela izango. Inkestatuen % 12,2k soilik uste du 2021 amaieran irtengo garela, eta ehuneko hori jaitsi egin da apiriletik ekaina amaierara, gainera. Emakumeek, gazteek eta ekonomikoki zaugarriak direnek joera handiagoa dute normaltasuna 2022 amaieran kokatzeko.




**ALDAGAI SOZIOEKONOMIKOAK EDO
GURUTZAKETAKOAK**

|

6

6.1 Adierazle demografikoen banaketa



P.2 Sexua jaso

P.1 Zure adina adieraziko zenidake?


SC.1 Zure etxeko diru-sarrera guztiei dagokienez, nola heltzen zarete hilabete bukaerara?

SC.2 Zein da zure euskara-maila?

SC.3 Zure izaerari dagokionez, nolakoa zarela esango zenuke?

P.3 Zu kenduta, zenbat pertsona bizi dira zure etxean?

6.1 Lan-adierazleen banaketa



P.4 Zure lan-egoera adieraziko zenidake?

P.16 Zer sektoretan egiten duzu lan?

6.1 Kresi-eraginaren adierazleen banaketa

